

Apequteqaat aallaavigalugu oqallisissiaq: Nunatta erngata tunisassiassatut sulii annerusumik, inuiaqatigiinnullu iluaqutaasumik atorluarneqarnissaa pillugu apequteqaat aallaavingalungu inatsisartuni oqallinnissamik siunnersuut.

(Inatsisartunut ilaasortaqa Knud Fleischer, Kattusseqatigiit Partiiat)

Akissuteqaat

(Inuussutissarsiornermut Aatsitassaqaqarnermullu Naalakkersuisoq)

Kattusseqatigiit Partiiat oqallinneq pingaarutilik kaammattuutiginiarneqarpoq. Kalaallit Nunaanni imermik isumalluutaasut pitsaannerusumik atorneqarnissaat pissutsinik arlalinnik, ilanngullugulu oqaatigineqartutut, erngup assartornissaanut aningaasartuutinit aalajangerneqartuussaapput.

Kalaallit Nunaannut tamaangaanniillu nioqutissanik assartuinerneq aningaasartuutit niuerfiusunut annertuunut naleqqiullugit nunap inissisimanerata aammalu najugaqartiternerup ilusaata nassatarisaanik annertupput. Kalaallit Nunaanni illoqarfinnut tamanut isumannaatsumik pilersuisarneq pilersinniarlugu Royal Arctic Line Kalaallit Nunaannut tamaangaanniillu immakkut assartuisinnaatitaanermut akuersissuteqarfiuvoq. Assartukkanut RAL-imut akuersissuteqarnerup nassatarisaanik imeq tamarmi Aalborgimut assartorneqassaaq, tamaani tikiffissavimminut allanut usilersuunneqassalluni. Tassaavoq akisoqutaasoq, unammillersinnaassutsimik sanngiillisaasoq. Pissutsinik tamakkuninnga eqaallisaanissaq 2014-imut periusissiap nutarsarneratigut nalilerneqassaaq.

Nunani allani suliffeqarfinnik assersuussilluni Kalaallit Nunaanni suliffeqarfinnut royaltymik (pinnattaassanik) atugassarisat naalakkersuisoqarfiup misissorsimavai. Royaltymi atugassarisanik unammillersinnaassusilinnik pilersitsinissaq pisariaqartoq paasineqarsimavoq. Taamaattumik 2012-imi juunimi royaltymik akiliisarnermut nutaamik ilusiliamik atugaqartitsilernissaq aalajangiunneqarsimavoq, imermut liiterikkaamut akiliut 0,40 kr.-nit 0,10 kr.-nut appartinneqarluni. Akuersissummik piginnittunut tunisaqarnissamut periarfissanik pitsanngorsaanissaa tamatumuuna naatsorsuutigineqarpoq, aatsaalli ukialunnguit qaangiuppata ilusiliap taassuma nutaap sunniutai uuttortarneqarsinnaassapput.

Tunisassiortut tunisassarpianik pitsaassusissaannik eqqortumik pitsaassuseqartitsinissap nassarinninniarnernannut assartuinerneq, royaltymut aamma Kalaallit Nunaanni tunisassiornermut aningaasartuutit qaffasissut annertuunik piumasaqartitsisuupput. Nalinginnarmik imermik imigassamik tunisiniarneq unammillerfissaasussaavoq, Kalaallit Nunaannit assartuinerneq aningaasartuutit assersuutigalugu imartap erngata tarajuiakkap imermik imigassaliarinninnermi aningaasartuutitut naleqqiullugu unammillersinnaassuseqannginneri pissutaallutik. Taamaattorli Kalaallit Nunaannit nalinginnarmik imeq imigassaq periarfissatut allatut tunisassioriaatsit assartueriaatsillu aqutugalugit unammillersinnaassuseqarnerneq namminersuutigalugu misissuinerit aallartisarneqarsimapput. Ullumikkut imermik suliaqarnermi teknologiinik imartap ernganik tarajuiiaallunilu imikumik saliinikkut imermik imigassaliorsinnaasunik peqarpoq, aammalu imermik 500 km-it missaasa sinnerinik imermut assartorneqartussamut akimigut

unammillersinnaalluartsunik. Taamaattorli manna tikillugu imermik suliniutit pingaarnerutillugit tassaasimapput suliniutit inuulluarniutitik/akisuumik tunisaasunik tunisaqarnissamik kissaateqarfiusimasut. Puiaasanilli inuulluarniutitut imermik imigassamik aningaasarsiutigalugu niuerfiusumi inissinniarneq, minnerunngitsumik ussasaarinermit annertuunik aningaasaliisoqarnissamik attuumassuteqassaaq. Taamaalillunilu niuerfeqarfimmi tunisassiamik tamatuminnga misileraaniarlutik sermimik aamma imermik avammut tunisassiorlutik suliffeqarfinnut annertuunik unammillerfissaqarpoq.

Sioqutsisumik misissuinissamut akuersissummik qinnuteqartunik nutaanik suliniutitik takkuttoqartuarpoq, tamannalu niuernissamut periarfissamut tassunga namminersuutigalugu aningaasaliisartut akornanni suli soqutiginnittoqarneranik takussutissatut tiguneqarsinnaavoq.

Sermimut imermullu immikkoortoqarfimmut Naalackersuisut periusissiaat 2013-imi atuukkunnaassaaq. Piffissami tassani immikkoortortamut periusissiamut nutaamut siunnersuummik Naalackersuisut saqqummiussaqaapput.

Taamaattumik piffissami tassani takkuttussami apeqqut aallaavigalugu oqallinnissaq tulluartsuussaaq.